

五硯齋詩鈔卷六

仁和 沈亦然 字平一 韞山

瘁臞集

苦竹町 甲辰

苦竹町列大鼎市南井水好掘尾狗子糜踵頂肉幾許食  
者多骨灰不惜沽酒和試問溧陽王此味終如何

擬古

我有繡枕粲粲如錦持以贈君伴君獨寢枕上斑斑不可  
拂拭是妾淚痕增君悽惻枕還無期妾往何時同夢者誰  
莫令見之

青谿小姑娘歌

朝向溪邊遊暮向溪邊遊嬌影落溪裏只恐隨溪流一解新  
繡鳳皇袖飄飄籠玉臂可憐五色絨時汗偷垂淚二解惱歡  
歡不去憶歡歡不見尋歡向鏡中那得兩人面三解雲散有  
時連絃斷有時續願結深山繩出入繫狼足四解

瘞騾

我昔買爾時體相頗殊異常懷千里心能知主人意三載  
居保陽一官久需次行役月無虛贖豆市匪易偶然食不  
飽何嘗債乃事有時夜飲歸却解駝我醉閉目踏鐙騎放  
膽據鞍睡有時出郭門連鑣共嬉戲捷足爾最先意氣輕  
老驥年來齒歷衰不復施鞅轡遠役偶相隨朕御仍願志  
頃自漁陽還塢生何纍纍馬醫但咨嗟毛髮日憔悴宛轉

槽櫪間厥狀不忍覲在昔饑且勞雄健嘆莫比今幸稍從  
容一病不復治毋乃飽而安終爲造物忌廐側一抔土卽  
爾埋骨地養汝終天年用酬平生勤不見他家騾垂老入  
屠肆瘞爾爾速化鼠肝與蟲臂饑犬三五嗥方思發埋骹

自題高柳聽蟬圖

往年伏里門北窻睡過午薄暮遵湖濬垂楊踈地舞亂蟬  
戀斜陽臨風各含吐嚙嚙復泠泠管絃不可譜笑彼鼓吹  
聲晨昏誇兩部邇來官北方簿書堆滿牀冠帶坐廳事白  
汗如翻漿偶因公事出官柳徒成行豈無蜩與蟸風熱塵  
沙黃下車尚不敢誰能恣徜徉吾兄寫生手濡毫運臂肘  
坐我柳陰下廣可蔭十晦清吟來樹端清風生耳後左顧

茶一壺右顧酒一斗試問圖中人此樂何時真

南宮縣迎春

春來本無脚故事迎東郊朝服盛儀從前後相喧呶駢闐  
不得進高塵棲旗旂芒神享牲醴土牛無芻藜率衆共稽  
首豐歉惟神教地雖有肥瘠民皆吾同胞請自今日往雨  
時風不颶禮成敞春宴蒿韭辛盤交三杯已微醉歸轡鳴  
鉦鏡帽簷插花勝笑指譁娥媼

鞭春行

崢嶸頭角龐然身搏泥刻畫強肖真古人出汝送寒氣後  
人好事名鞭春高棚兀立驕不動耆童走看填城圍我來  
三拜聊復爾彩鞭交下飛黃塵頭蹄脊尾若然解紛紛委

地爭農民得之者喜失者愠云此小歲由來神我謂爾衆  
亦愚甚力田只在雨澤均區區塊土詎足異彼若有知還  
爾瞑汝不見已陳芻狗能昧人速歸餒特方饑呻

元夕前三日與親知輩坐石丈軒話杭州燈市二首  
數日無多又上元荒城依舊不聞喧尊前盡是江南客火  
樹星橋說故園

一官我自甘袍繫誰遣諸君負此宵輸與杭州衆年少踏  
歌聲裏馬蹄驕

閨上巳暴風竟日同胡石樵方秋穀作

疎疎桃杏少擾擾簿書叢難得重初已如何又暴風天教  
春暫駐人喜句同工兩度浮杯興今宵時復中

落花

紅紫紛紛舞不休  
錦屏撤去彩雲收  
因緣只合隨流水  
作態還能上小樓  
無那曉鶯啣苑外  
錯疑驚蝶過牆頭  
硯池酒琰渾相識  
散作餘香繞座流

買妾三首

國色難逢敢漫誇  
隨緣差喜玉無瑕  
男兒那肯溫柔老  
只要添香伴晚衙

嬌羞最是入門時  
扶上鞦韆力不支  
紅燭影中憐八拜  
未曾命坐眼偷窺

無賴橫波一寸眸  
學調朱粉學梳頭  
頻看尙恐迷離眼  
呼近簾前自掛鉤

立夏二首

今朝與昨日風景未全殊怕聽江南客偏誇櫻筍厨

陋俗真堪笑高懸一秤橫姑從兒女請應比蠟人輕抗俗

日家家懸秤較人輕重云不症  
夏今來北方兒女輩猶效爲之

禱雨

焚香丙夜默祈天億萬蒼生望麥田願節江南過多雨分  
來此地作豐年

題歌童珠兒便面二首

杵腰偏稱羅裙窄無賴橫波射四筵不媿珠兒小名好歌  
喉真個似珠圓

十三年紀雪肌膚聲價還應勝佛奴一曲破空腰鼓歇笑

揮香汗洒瓊瑜

買芭蕉二本種石丈軒外

千里移根遠分來得兩枝如知主人意一夜展青旗  
窻前纔有爾風味便超塵但愛聽秋雨終嫌非解人

盆魚

任爾滂風浴雨無人結網投竿莫苦盆盎器小終勝江湖  
水寬

枕上

殘月照簾燭燭愁眠無夢惺惺鼓翅晨雞初唱着耳何人  
解聽

題族兄鶴齡自畫思親圖



遊子天涯遠年年闕清溫不堪登彼屺何況對黃萱鬢鬢  
圖中老年華客裏奔知君腸欲斷只欠畫啼痕

題畫

春來隨處柳毵毵風景何分北與南借問誰甘茆屋老倚  
門日日看晴嵐

紅紅白白曉風吹絕似西湖六月時記得碧筩狂醉後自  
撐小艇拗花枝

九日懷柔縣工次蔡明府若采招飲卽席成句

寒烟白草水差差鼙鼓頻催日影移塵俗已教黃菊笑登  
臨又被暴風欺是日客中滿酌煩賢主樓上清吟憶往時  
去年九日有與方秋穀登南樂縣譙樓唱和詩舉目南山方咫尺悠然誰是在東

籬

柳妓三首

官符一紙鎖郎當  
花面雲鬟滿縣堂  
不是長官心似鐵  
肯教打鴨礙鴛鴦

巫山纔見楚雲收  
仰面旋看月窟遊  
莫怯柳腰支不穩者  
回官府賞纏頭

相看咫尺隔銀河  
秀頸難迴喚奈何  
知道春心關不住  
暫教鎖定繞梁歌

見鬪雞作

喔喔自何來  
羣小遠而避  
高步無固心  
昂首負盛氣  
可憐項下毛  
十不存一二  
就視索瘢痕  
餘血漬冠翅  
豈其氣不

雄敗正氣所致吾聞漆園語虛憍非令器似木德乃全所  
向無不利此則何爲者剛躁喜輕試猝然大敵逢創甚憊  
伏地不弱復不强徒爲儕偶忌一笑季與郈毋乃太多事

采蓮曲 乙巳

瓜皮艇素腕理輕楫不見清波見蓮葉涼風吹羅衣月上  
星光稀貪唱采蓮曲欲歸猶未歸紅紅白白千萬朵鴛鴦  
在花右翡翠在花左人言郎貌似蓮花一般顏色折誰可

海外吟

海外復有海海中三山誰主宰黃金宮闕千萬間合有吳  
家綵鸞在山中花落又開樓頭鳳去不復回我欲渡弱水  
誰遣紅鯉來東西雲自繾綣一心人獨不見

捉搦歌

門前桐樹直如矢誰家女兒纖纖指拾將桐葉數桐子大  
姊無言小妹喜

人日同方秋穀作限七字

邱牀空復閒樂事百無一靈辰古所重同雲布偏密擬策  
良駟遊境無山嶽萃欲作菜羹會數種不足七薰天非雅  
馴呼盧厭噓啣但對丁香花紅芽看初茁不見家居時隨  
身苦兩膝探梅遍溪山傳座次甲乙何用借元宵已是無  
虛日縣令豈新婦今轉閉不出悒悒復悒悒滌硯試拈筆  
寄語二三友時哉不可失

蕩婦高樓月

樓高得月早月近之子遐  
揜窗推月出雙照讓他家

正月八日晚雪喜作

勝神消息杳三冬何幸春來得一逢  
忽地眼明疑夜月今宵心樂過村農  
頻看兒女量階積自踏瓊瑤布展踪  
寒甚不禁歸閣臥尚聽疎密到晨鐘

雪後郊行

寒光千頃冷侵肌放眼從他走馬遲  
壓住黃塵風力窘融來春水麥田滋  
幾人詩句吟驢背一色乾坤見酒旗  
無限農民方待澤同雲且莫漏晴曦

元夕觀燈

門鑰無庸禁夜行滿城燈火六街明  
十分寒月浸人影一

片好風來笛聲扶醉親朋誇往昔踏歌兒女唱昇平歸衙  
不放春宵去高卷簾鉤獨舉觥

食韭二首

天教此菜懶人栽有客何妨冒雨來莫笑杜頤金一束曾  
聞佛口為渠開

翠髮離披剪處香難將甲乙判青黃烟苗若使長年嫩豈  
獨甘貧讓庾郎

饋鯉

經年不解鮮魚味有客來貽赤鯉公作鱠作羹都未定癡  
兒先要數鱗紅

崔子章作山居圖見贈欣然有作

久有歸休志西溪築數椽流泉穿竹聽短榻對山眠著作  
唯花史耕耘只硯田喜君圖此幅真得我心先

木瓜

有客投秋實奇香發座端未須醫脚疾不信益心酸並蒂  
宜宵枕攢金稱小盤何勞更多事花紙繡諸般

佛手

黃金誰鑄就指畫出袈裟只許迷津拯難思癢背爬拳時  
如握塵伸處欲拈花偶爾香風散還疑說法華

百合

但合玉爐比難將蒜腦儕圖懸蜀主殿鏡匣夏侯堦味自  
苦中得名憐爾最佳白衣如可遇我欲住山齋

香櫞

實大還同柚香幽欲勝橙風情宜几案氣味似書生牀絡  
丹絨細燈雕寸燭明何如清供好剖作酒杯傾

晉州道中暴風忽作陰霾不辨咫尺是時久旱望雨  
雪甚殷詩以寄憂

飛塵陡起干霄直散作黃烟蔽西北大聲疾捲空際來吹  
出千鈞萬鈞力高車大馬鞭不前咫尺茫茫天地黑不分  
靴皂與纓紅到此都成一般色不分老少與妍媸彼此相  
看笑不得叢南苦旱歷秋冬雲霓關心不甘食終風暴墮  
乃如許安望麥苗能秀特不見江南當此日好雨疎疎膏  
黑埴花腮柳眼洗益鮮到處春山淨如拭和風澹蕩曩遊



絲時送花香來坐側奈何相距千里遙風伯常勞雨師匿  
龍公滕六亦偷閒囊括天葩不憂職塵沙賦質本輕狂遂  
假風威常四塞吾儕行役未云苦所苦農民艱播植誰爲  
飛章達九天一夜甘霖滿溝洫

聞屠鶴林凶問以詩哭之

吾聞田字面堂堂封侯相又聞謙受益福澤未可量屠君  
屠君皆有之四十尚爲童子師昨者傳聞已捐館世間怪  
事那可知我生二十寡朋友次第訂交惟八九粗梨橘柚  
均可口朴實如君少能偶做衣蔬食總怡然堅定寧爲流  
俗誘獨有買書不惜錢抄掇紛紛不停手十九年來文字  
交落落青松稱耐久前年胡君歸道山君爲料理同憂患

去年其子北依我攜來尺素君所頌上言訓誨故人子下  
問宦海何時還三月乖違久不報凶問何人轉傳告平生  
枉說范巨卿歿時月日無由到青驪只許夢中逢白蠟彌  
增泉下悼憶昔題君聽松圖科頭跣足真狂夫我謂不若  
聽鸛好黃柑兩枚酒一壺君言二者各有取異日買山吾  
汝俱我今一官雖窘束秋風輒思江上鱸行將卜築西溪  
上依舊偏提獨策鷲

吳穀人編修乞假歸省迂道過南宮衙齋啣杯話舊  
追念里門交遊零落不勝憮然成六絕句

幾年閒却老萊衣乞得

君恩賜假歸枉道漫勞車騎辱洗塵先教酒觥飛

休說吳郎與沈郎尊前一笑鬢齊霜銅符已分風塵老清  
夢何時到玉堂

會共西吳鴨嘴船看君雲路竟先鞭閒思永巷交扶醉譁  
笑兒童又廿年

零落文壇剩幾人只今音信杳鴻鱗誰憐手板頭銜客卽  
是花南硯北身

無多老伴死生分竹城鶴林往事飄零似斷雲空憶故人  
詩句好却聽才鬼唱秋墳

湖邊君到已春深紅滿枝頭綠有陰傳語北山休笑我年  
來久有欲歸心

題吳穀人赤脚騎牛圖

赤脚騎牛去閒身孰似渠  
遙尋茅店酒穩勝灞橋驢  
但可腰橫笛何須角掛書  
莫言曾夢得眞個定何如  
穀人近夢外遂作此圖

衰柳

搖落何須盡秋來已不同  
無言垂晚照強舞怯西風  
青眼送人老狂花往事空  
寒蟬偏戀戀餘響暮烟中

南宮半年苦旱野無青苗  
至六月杪始雨喜賦二絕  
天心終是憫吾氓雷雨宵來竟滿盈  
動地歡聲遍城野家家扶得瘦牛耕

休悵甘霖已後時  
早秋蕎麥未爲遲  
直教一片花如雪  
喜殺田頭黃領兒

無極姚明府廷璣寄亡友陸解元篠飲所修南宮縣

志草稿感賦二律

老去猶能據馬鞍玉棺旋見降長安篠飲去年復遊京文

章只合魁多士薄命終難得一官辜負湖山閒畫舫篠飲自造

一舟畧仿米家船式每放棹西湖輒經旬不返寂寥詩句冷吟壇無端志草歸吾

手遺墨如何忍細看

遺墨如何忍細看泉臺長逝夜漫漫百年身為浮名盡干

里魂愁客路難會記六科同點額不堪小友獨彈冠余昔與篠

飲及陸孝廉之與李舍人照締交他年一璣澆君墓木已

成陰土已乾

奉檄赴威縣籍任氏家貲二首

突兀危樓出樹巔個中金粟積年年徒知契利能施福任氏

以奉天主教與西洋人往還事覺那見劉安果上天法網

下獄天主經載天主名契利斯督觸來誰解脫宗支絕後孰懸延任氏兄弟皆無子爭如眼底諸村

漢老弄兒孫壯力田

開滕發篋總紛紛積聚徒憐往日勤多事胥徒搜壘益傷

心婦女戀釵裙家豕尚解尋眠處守犬依然吠夜分只有

無情樓上鴿不關興廢自成羣

題仇實父畫閨中行樂四幅

玉纖雙挽彩繩紅看送嬋娟竟入空雲髻忽鬆珠朶落畫

裙無計避東風秋干

紅蕖碧沼晚生香團扇風前著兩當並蒂一枝誰采得郎

情爭比藕絲長

采蓮

笛聲吹徹玉簫和點拍尊前聽艷歌莫惜珠喉推醉起一

園花氣夜來多

度曲

撩裙拂袖幾久便湯外支頤態更妍不信雪風寒透骨陽  
和先到繡鞋邊

賦謝

余素不喜檳榔近乃強學咀嚼戲成短句

萬里行來自粵中切開龍乳錦紋紅新來也學閒咀嚼不  
是貪渠有四功

冬日西郊小獵因作鷹犬行

郊原十月寒欲雪駿馬驕行蹄踏鐵三三五五左右馳小  
隊分來亦成列健兒左臂凌霄君三尺烏龍右牽掣鳴鞭

四望角弓閒鴉肉腥燥彈不屑村童好事遮道迎導余更  
往西南行遙看沙際果躍躍脫鞬鷹閃金眸明側翎疾落  
爪觜健解制要害先啄睛犬因乘弊逞狂喙齒牙所昨安  
得生須臾殺兔已四五鷹犬皆疲日卓午長官惻隱惡多  
殺傳語撤圍無太苦快刀割兔啖鷹飽啄腐吞腥暴如虎  
回看彼犬獨枵然一鬻難分不敢怒犬饑鷹飽豈有私此  
理吾猶能說之鷹性凶殘嗜生物糠糜飼犬當有時况鷹  
迅疾犬不逮論功行賞亦有差爾犬毋乃癡助鷹爲  
虐不免饑嗚呼助鷹爲虐不免饑

正月十六日晚登南宮譙樓作

丙午

微行屏僮僕自躡譙樓梯徘徊月東上長庚明天西春風



生檐際吹墜落椽杵俯身眺夜市唱賣粗與梨羣兒爭爆  
竹此笑彼則啼誰家半仙戲架與樓堞齊且喜俗質朴張  
燈無瑣璃不復辨疎密但覺春星低坐久月逾皎怒焉中  
心悽去年苦旱曠田家無糶糈今年已半月土燥不可犁  
姮娥曷下鑿斂矐興淪淒連綿一尺雨要令靴沒泥試上  
此樓望豆麥青滿畦

南宮舊俗元夕後一日遠近婦女皆入官衙觀宅眷  
爲一年利市田家尤以此卜豐收妍媸老幼無慮數  
千日夕始已去歲余惡其喧溷不復令入後適旱乾  
民間咸謂此事致之雖荒誕可笑然不欲終違衆意  
今年仍從其俗戲爲長歌

中堂設榻安胡牀架木作欄爐爇香吾家妻妾竟高坐紛  
紛媪婢侍兩傍須臾門外已雲集挽姊呼姨魚貫入綠袴  
紅襦鵠首鞞花枝滿頭揮汗濕龍鍾老嫗扶杖來欲前不  
前空徘徊娉婷二八誰家女姊妹偷窺轉相語其餘意態  
千百呈吳生周昉畫不成可憐堂中高坐者眉稜壓斷花  
眩睛吁嗟盈寧天所賜官衙豈爾祈年地果令來觀盡有  
秋一月何妨一回至

冀州旅館臥疾

新年樂事與誰同旅舍無人又病中醺粹麴生交暫絕黑  
甜仙境路常通隔窗自度遲遲日擁被猶嫌細細風強起  
看題揜瞑眩藥爐量水煮秦芎

感逝

香玉長埋日月馳潘郎今已鬢成絲一官究與卿何補隔  
世還知我是誰緣盡夢魂無半面情深老淚總雙垂稠桑  
那得逢王叟妙子高呼丙夜時

五硯齋詩鈔卷七

仁和 沈赤然 韞山

瘁臞集

記夢

飄然自何來青山起人面下臨千仞谿奔湍急於箭奇禽  
雜嗚呼山鬼時隱見躑躅長林中颯颯毛髮戰老猿若相  
識導我循崖轉石壁開谿紆徑窄天一線遂行數百武青  
蔥見平甸極目梅花繁香雲迷一片翠羽自嘈啾微風落  
晴霰花盡復有谿畧約狹如練放膽過水南隔林聳寒殿  
朱門榜五字梅花主人院立久試剝啄芳欵出仙媛雲履  
五銖衣妙質天下選詫問爾何人到此有靈譴我爲道姓

蘇東坡詩集卷一  
氏喜色形睇眄相延入軒闥皆非世所見尚有三五姝垂  
簾焚甲煎坐我七寶牀食我九霄膳一杯復一杯酬酢喜  
畧徧顧盼雖有情危坐不敢燕一姝最先起拂几陳筆硯  
願賦梅花詩竟此八尺絹醉草數十字嘖嘖辱稱羨遂起  
促我出暫別莫相戀記取三十年遲君共歡嬾扶上紫鳳  
車騰空若乘電瞿然落牀間餘香猶在嚙

逆旅病肺不眠

病肺憑高枕中宵睡未能齧槽知劣馬愛月滅殘燈齟齬  
眠嫌僕跣趺坐似僧牀頭梨汁冷不怕齒牙冰

石丈軒聽雨

黍稷不得種來牟已先死如此淅瀝聲半年未到耳天心

終仁民爲鞭伏龍起倒吸滄海波散作瓜蔓水乾坤有秀  
氣林木潤旖旎但聞逐婦鳩未見涉波豕偶來牕下聽點  
點生歡喜羣生望澤久願得尺有咫濕雲莫向城市飛涓  
滴都教入田裏

飼鼠行

楊苻田愛鼠朝夕飼以米粟初僅出入不畏人旣漸  
觸鼎毀衣楊頗苦之遂畜貓數頭日殺鼠四五其患  
少息爲作飼鼠行

飼鼠飼鼠有梁與黍人皆爾疵唯予愛汝解一或饑而食或  
飽而逸無小無大啾啾在室解二漸觸我鼎又毀我衣豈曰  
無良愛克厥威解三爰赫斯怒有狸如虎載伏載伺扼喉斷

股四解扼之斷之必盡殺之蹙蹙靡騁誰其爾慈五解愛不可恃恩不可背爾鼠爾鼠夫寧有悔六解惟鼠之故成貓之功美始惡終君子所恫七解

逐貓行

鼠既畏貓屏跡適衆犬環噬貓貓幾不免復作逐貓行

斑斑者貓口坎若雕既飽則驕於焉逍遙一解有犬巨口怒非其偶薄言追之在前在後二解貓困於庭鼠慶於室匪犬是親喜去其疾三解貓往不歸鼠遊不違懷犬之德狎犬之威四解相彼貓矣豈無爪牙彼衆我寡亦孔之嗟五解相彼犬矣豈其愛鼠既逐爾貓還將噬汝六解

觀吳箬村畫漁樵耕讀冊子各題一首

江湖波浩浩綠滿汀洲草一船復一竿雨宜晴亦好陽橋  
換村酒獨酌常醉倒泛月下前灘乘風歸絕島人間畏波  
濤此却波濤老

亂山入雲際樵採不用錢熟悉虎狼穴自覺出入便斧聲  
響空谷行歌答鳴泉山花雜擔裏暮歸香滿肩却笑朱翁  
子富貴誇衰年

朝聞布穀啼家家無懸耜落日塗足歸柴門勞妻子麥浪  
翻平疇秧針冒淺水雨足桔槔閒顧盼生歡喜但畊得意  
田便埋金九里

結廬遠市廛應門付僮僕晴雨手一編書聲出修竹不必



求甚解神會時仰屋一室聚古人聞歌亦聞哭由來腹便  
便豈是饜梁肉

方柘湖春祺賦詩見贈次韻爲答

誰似方夫子文壇早有聲呼船爭覓客嚇鼠不撻情飲少  
偏豪甚吟多太瘦生締交垂四載適願賦嚶鳴

短髮愁將老無心望起宗爲貧聊爾爾自愛敢容容秋圃

懷岩客春山憶籜龍何如歸去好長作硯田農

斗室畱君住清吟出北牕好歌花韡韡令弟秋穀先更看

璧雙雙味淡交應久心忡見則降不須愁上頓寒釀盡春

缸柘湖近畏酒

端午方柘湖秋穀金篠廬高半農虞文集石丈軒小

酌卽席分賦以杜詩香羅疊雪輕句爲韻得羅字二

首

玲瓏峯石樹婆娑主客雄談口似河但博泛蒲花下醉不  
辭飛學夜來多門庭綵索連剛卯兒女釵符試越羅記得  
西湖看競渡紅旗畫鼓夾清波

七年此日客中過往事閒思一刹那角黍幾曾能益智蒜  
拳何必不降魔樽前舊雨兼新雨醉後長歌復短歌無限  
塵心都滌盡今朝我是爍迦羅

胡石樵之官蘭州瀕行出牽驢西邁圖索題歌以贈

別

莫鄙簿尉小不見一衿白髮方苦饑莫謂河湟遠不見玉

門萬里方伊犁位卑祿薄職易稱爲貧而仕此最宜高軒  
大馬政不必蹇驢誰說非官騎鞦韆半濕清露裏槽櫪小  
憩亭午時只愁道遠力孱弱雖有鞭策莫橫施周行坦坦  
更防蹶慎勿放膽控勒之願君奉職亦如此故不以頌還  
以規君家本住西湖上我將卜築西溪陞相期只在五年  
內不歸如日寧敢欺偏提蹇衛獨遲爾吟遍兩峯三竺詩

大風亭懷古

亭在南昌縣東門外按帝紀光武至呼  
沱河無船遇冰合得過未畢數車而陷

進至下博城西惶惑不知所之有老父指曰努力信  
都郡爲長安守去此八十里光武卽馳赴之而馮異  
傳則云光武至饒陽無藁亭時天寒烈衆皆飢疲異  
上豆粥明日至南宮遇大風雨光武引車入道傍空  
舍異抱薪節禹熱火光武對竈燎衣異復進麥飯菟  
肩因復渡呼沱河是紀傳全相乖背矣然以地理考  
之呼沱河在饒陽南南宮又在呼沱河南百餘里光  
武當日自薊而南詭稱邯鄲使者入饒陽傳舍已而

傳吏疑其僞幸門者不閉遂得南出自應先渡河後  
至南宮若在南宮渡河至信都反自南而北矣當以  
帝紀  
爲是

饒陽傳吏椎大鼓邯鄲使者面如土衝寒疾走無糞亭踏  
冰渡河逢老父南宮城外風雨來鞍甲淋漓人馬苦抱薪  
熱火空舍中饑腸作聲鳴腹肚昨宵豆粥今麥飯與塊寧  
容野人侮士卒雖饑無怨聲信都太守開門迎盧奴曲陽  
次第下所過盡發奔命兵王郎旣斬銅馬破蕭王功高符  
讖呈登壇告天作皇帝廓清六合安羣生公孫厚意久不  
報中黃門傳天語勞君臣一飯尚如斯匹夫負義真堪悼  
鼎移玉改千餘齡行人來上大風亭燎衣土竈今何在唯  
有年年草自青

題方柘湖四空圖

柘湖儒者非浮屠曷爲寫此四空圖豈因貧病太相困豁  
然得解參虛無我謂男兒墮地後嗜好本與天性俱或耽  
酒色或好貨或恃血氣稱壯夫古來賢達要不免尚論豈  
必瑕掩瑜况君飲酒不盡器德將無醉非首濡蘆簾但著  
孟光老更誰學月與寫朱偶然賣賦分應爾雖窮不屑爭  
錙銖偶然橫逆猝相值雖怒不屑攘臂呼是君不空與空  
等并此去之無乃迂明年射策遊上都春風名姓喧九衢  
自茲騰蹕列清要展施蘊負宏遠謨願君彼時一空此清  
風亮節方吾儒

雜感六首

貧難營葬罪彌天且喜無多贍俸錢  
果許陳情予長假明朝襖被上歸船

礲田老屋我都無家計難從仕後圖  
即使罷官歸去早何妨一舸住西湖

忘形舊雨幾人存聞道新來已弄孫  
可念論文一樽酒常衝風雪打籬門

北高峰頭看雨景南高峰頂聽濤聲  
古緣死後無人到誰寫圖歸示老僮

吳山八月平江館薄餅銀魚紫蟹羹  
幾度夢登樓上坐舉杯憑檻看潮生

衫袖頻嫌落筆烏近來工拙定何如  
縮蛇紆蚓從人笑此

是他年換酒書

哭內弟陳琳

書來慟甚轉無聲素服奔喪媿巨卿鮑叔死來知己絕折  
君年命是多情

自題滌硯圖

圖中人今老矣無田不足憂有官不足喜得歸不歸如江  
水平生嗜好與衆殊東抹西塗災筆紙從來佳硯不易得  
案頭三五聊復爾聊復爾樂此不覺疲大硯作大字小硯  
書詩詞每日必一滌墨水瀦爲池童僕往往竊笑之豈知  
石田亦不惡三年耕有一年穫縱使歲歲荒饑中有眞樂  
貪不忍奪盜不屑攫他年十架茅屋中垂老生涯惟此託

吾兄爲寫生布置勞經營兼貌小兒女白皙眉目清吾兒  
年十一頗好背人學揮翰不嫌汗壁與澆楹小女讀書有  
清聲隨兄弄筆硯點點畫畫偏分明每逢滌硯輒環視牽  
衣指問價重輕吁嗟一官貧似昔兒大當知耕女大當知  
織勿效而翁弄頑石

惡池河水陡漲決冀州衡水隄堰余奉檄往視愴然  
於懷賦詩二首

漲水崩隄入田廬半陸沉不知茅屋淚何似長官心穎粟  
供魚飽塗泥沒馬深所愁天欲雨連日又秋陰  
駭浪何曾息徒勞堵築人全家無飽食把鍤已兼旬下牒  
求長木乘槎斫濕薪喜聞



恩詔下發廩賑貧民

戲題方柘湖課兒圖

課兒讀兒淚垂慧固不必喜愚亦不用悲此翁何爲因小兒口講手畫無已時不見馬醫洒削黃金遺

夜雨暴甚時盆中茉莉盛開起呼侍兒執燭冒雨移之檐下衣髮盡濕戲成二絕句

猛雨愁花力不支起來親向雨中移侍兒把燭渾無語不妬花香却笑痴

脫却單衫搭小闌淋漓白髮未曾乾明朝便買生絹畫寄與杭州故舊看

題宛平李氏兄弟四時行樂圖

天倫重同產形異氣不殊參商古所戒雍睦家之腴韋放  
共臥起趙相公瓜壺伯歌季爲舞此樂真吾儒吁嗟世道  
薄隔籬分楚吳譬如居一室穴隙勿墮塗雀鼠有僕妾風  
雨生妻孥遂使壁楹壞外侮來戈爰昆友尚如此何論葭  
與葦宛平有李氏和粹稱醜醜濟濟伯仲間友愛近所無  
入則同盤食出必大被俱家督旣讓逸兩弟亦競劬安用  
閉戶搥那見荆樹枯倩誰寫生手繪此棣萼圖春花與秋  
月處處相追呼豈以示行樂直欲貽遠謨我生乏兄弟常  
發司馬吁對此益欣羨作歌不肯諛勗哉當永矢勿徒懸  
座隅

題友人讀書圖

吳頭楚尾客年年  
閒裏還能手一編  
無限江山都領畧  
何須尺幅畫林泉

幾年雛鳳尋從遊  
種學新來已有秋  
知是先生庭訓好  
清風唯有一經畱

戲題石丈軒二首

丈汝一拳石相稱  
何太尊只應呼作友  
結契在無言  
拜爾真無謂  
衣冠笑米顛  
他年決歸計  
聊取鎮輕船

寒江獨釣圖爲章生一枝題

凍水無聲漾淺灘  
乾坤一色白漫漫  
不圖偏厭圍爐坐  
雪裏求魚竟耐寒

風雪還能手一竿  
披圖先得我心安  
只愁異日真歸去  
如

此衝寒大是難

鳴蟬

青林發高唱不斷如縑絲千章同一響不辨起何枝卑哉  
衆鳥雀喧啾誰聞之當其轉丸日推挽衆所嗤一從羽蛻  
後升高不復饑露華天所養冠綏鳴以時螳螂但可避春  
秋安用知莫入仙蟲社籠中媚女兒

馬上二首

書生行役久漸與鞍馬便前山方歷歷泥滑慎施鞭  
不信霜蹄蹶偏於坦蕩中只因疎控勒無用咎花驄

獨樹

獨樹在平野孑然朝復昏鳥雀過不集安能停高軒白馬

誰家子解鞍獨夷躡問客何方來自言曉出門暘行數十  
里平沙無荒村偶得此清蔭大勝一飯恩勞君遠相辱敢  
誇枝葉繁明朝茂林裏曾否念孤根

咏史八首

呂后

妬已悲人彘羞難揜辟陽長陵相見夜何語對高皇

明妃

青塚千年恨琵琶絕塞悲寧甘從國俗兩度作闕氏

趙后

飛啄皇孫盡來嫌赤鳳遲一般爲禍水死竟後昭儀

綠珠

金谷人何在明珠價未酬樓前拚粉骨終勝美人頭

潘妃

下匹羞非類捐軀答主恩若容充後陳可肯憶東昏

張麗華

後庭歌正好胥井事堪傷無限青谿淚來遲怨晉王

武后

女主多男寵衰年尚冶容清卿真不幸口過失遭逢

楊妃

莫怨陳元禮生分連理枝華年三十八漸是色衰時

過安平縣亭午熱甚入村中茶肆小憩有一燕周遮  
飛鳴若將營巢者俄又一燕來相與下上其聲益悲

因仰視梁間有壘爲蛇所據且食其子矣蛇方矯首  
四顧兩燕前而復却良久始去因作燕歸巢行

燕歸巢巢中有異物蜿蜒腥氣昂首睇呼雛雛不出呼雄  
雄未歸將前復却將止復飛欲往啄之終力微雄兮忽歸  
來絮語如罵譏雛生死不可見相隔咫尺千里違本欲令  
雛飽奈何雛先充蛇饑燕悲不已翻翻俱起南山有義鶻  
何不往訴彼燕兮努力與俱來老拳落蛇立死剖蛇腹出  
爾子

石丈軒觀菊同方柘湖秋穀金徐廬分體賦以人淡  
於菊爲韻得於字三絕句

瓷盆朱架菊開初五色高低錦不如莫惜深杯爲渠盡年

來冷淡最相於

重簾深閉冷香徐那得長年伴所於銀燭低燒花影瘦不  
辭詩句醉中書

茶經酒譜久相疎俗吏終年只簿胥坐對也應花笑我清  
談空自舌於於

除夕通州城外失道四更始至蘆溝橋

今夕是何夕宵征息未能荒村都守歲深夜尚停燈映雪  
尋來轍籠寒枕曲肱時寒甚僵打門投逆旅酒價任教增

曉過趙北口

丁未

驅車入鏡中春來冰已融乍看吹皺縠旋聽響玲瓏烟外  
橫漁艇風前走驛筒笑他如礪地樓塹枉稱雄指公孫伯



事

自党峪入遵化州

童山疊疊總無名過半春光草未生  
沽酒難尋村店飲抱餅空想澗泉清  
驚沙旋處風頭緊暮靄濃來雨意成  
一月此曾三度過絕無詩料助吟情

玉田道中見新綠作

新綠滿高下欣欣各向榮  
乾坤醒大夢山水點雙睛  
益覺禽聲好能令客眼明  
早桃紅一點無限望中情

豐潤縣魯氏染綠軒觀西府海棠二首

五年辜負尋芳眼覓句何曾到海棠  
雪裏相逢應笑早以去年臘抄量移豐潤暫館花時來看敢辭忙  
玉環醉後天魯氏之染綠軒時方大雪

然態金屋粧成別種香試問東君許巢飲紅霞吸盡百分  
觴

名葩知是何人植

前後海棠入本皆高二丈許蓋數百年物也

築綠軒前歲歲

開穠艷有情留粉蝶因緣無分嫁紅梅偶遊便是居香國  
小酌憑誰送酒杯寄語東風莫相妬春陰曾乞護花來

### 送春

茫茫誰是春歸路極目高樓只落暉有脚已將花共去無  
情不與客同歸蛙因喜雨爲官吠絮似尋人穿幙飛起沃  
茶甌餞青帝連天芳草綠初肥

### 途次觀村落演劇

一聲鉦響集如雲鼓鈸喧轟曲不聞神鬼荒唐驚變相梵

三才圖會卷之十一  
三  
零落笑行軍擔頭高唱賣新果樹底午風吹畫裙望斷  
守閭翁媪眼歸來兒女話紛紛

有感

剜肉醫瘡亦太癡五年貧况共應知餘光只可分東壁瀉  
海焉能灌漏卮爲德不終吾自媿望臣如此爾何爲須思  
親戚歡娛語不是今時是昔時

閨詞八首

生小偏貪睡瞋人喚夢回披衣搭羅帳星眼未全開  
試取新鞋著扶床似未安還將舊時樣寬窄背人看  
膩頰方勻粉聞郎又索衣匆匆忘洗手一捻指痕晞  
閒啓女兒箱裙襦散異香猶餘綺羅段鈿尺自商量

夜雨滴空廊遙聞秋點長賺郎先穩睡移燭剪衣裳

生來識字少無語伴觀書忽點銀缸去開厨展畫圖

翠管黃金縷能銷永晝閒新偷夫婿樣舌底吐連環謂吸

口歎之令纍纍如環也

不惜今宵醉為郎盡十分殷勤覆花殘餘瀝浣紅裙

過趙北口戲簡雄縣劉笛樓明府

左看瀾瀾右差差眼底清虛得片時只有兒童無一事各

投芳餌釣魚兒

獵獵風蒲弄碧波可人情景夏來多踟躕却笑劉明府但

榜漁莊不種荷笛樓於堤上蓋小

白澗道中即目

繚垣桂柱認離宮古柳高槐翠掃空北聳山頭秋稼外西  
垂雨腳暮雲中蛭蟾抱葉絕清響蕎麥作花香晚風驅犢  
兒童歸路暝柴門遙揜一燈紅

七月晦日行役次別山逆旅夜甫就枕夢至一山巖  
石秀潤頗饒花竹山下溪聲淙淙度以短約有小菴  
柴關不扃余徑入寂然又過一門望見堂中一麗人  
面東坐搖筆伸紙若有所作諦視之絕類亡室吳氏  
正驚喜間麗人已起迎曰君何由來此因攬袂入室  
絕不作寒暄語但云適成七言數聯能賜和平乎余讀  
之其一聯云雲外厭聽鳴獨鶴巖前愁看舞孤鸞二  
聯云千尋翠壁嗥仙犬何處紅樓認妾家三聯云一

殘空澆寒食酒廿年猶著殮時鞋四聯云宿命合同  
無子樹塵心久作不然灰五聯云石屋高寒非住處  
銀河清淺是歸時余曰別卿久詩筆益進矣因依韻  
書五聯紙尾云却教季芊歸鍾建空說文簫遇彩鸞  
一片彩雲遮洞府十分春色隔仙家無路相依思化  
蝶幾時常對得如鞋三年恨事醒春夢一夕情根葬  
劫灰寫恨每於歡笑後增悲偏在艷陽時覽而笑曰  
妾句本無心拈得君尚依依往事耶余曰此愁須到  
天地翻時卿雲外宿命等語豈盡惘然者語甫畢門  
外羣馬相踉遽驚寤急起記之幸不遺一字明日作  
紀夢二首并取和聯足成五章以志異云

一曲清谿散曉烟  
岩花吹墮竹籬邊  
芳容別久仍如玉  
好句新來頗似仙  
舊恨不言緣解脫  
此遊難得且畱連  
今宵若許尋前夢  
當更從卿賦洞天

招遍巫咸忍不歸  
却來此地息塵機  
須防山鬼窺行迹  
終恐溪雲壞繡衣  
畫靜只應和石語  
春閒誰共數花飛  
爭如隨我紅塵去  
夢裏無煩再歛扉

繫定紅繩合不難  
老翁曾爲檢書看  
却教季苾歸鍾建  
空說文簫遇彩鸞  
六禮恨無前馬日  
三年難得展眉歡  
宵來默禱誰能聽  
只許風吹上廣寒

郎如璧月女如花  
阿母開顏阿父嗟  
一片彩雲遮洞府  
十分春色隔仙家  
徒知種石終成玉  
不道炊糜竟簡沙  
紅鯉

不來黃耳死惱人惟有報晴鴉

銀河波浪好音乖靈匹終年望水涯無路相依思化蝶幾  
時常對得如鞋一春淚灑庭花死盡日愁蒸晝景霾揮手  
獨騎紅鳳去却畱簫史葬仙骸

欲向蓬山覓爾回海風吹浪雪千堆三年恨事醒春夢一  
夕情根葬劫灰明鏡難畱雲鬢影遺書休汗畫梁埃床頭  
小像何時語可肯姍姍夢裏來

一慟棺前死不辭個中心事只卿知北堂恩重春暉短五  
葉丁單一髮危寫恨每於歡笑後增悲偏在艷陽時青鸞  
倘有重歸日請看潘郎鬢已絲



五研齋詩鈔卷八

仁和 沈亦然 韞山

瘁臞集

上元同方秋穀楊荇田胡紹安陳蘭泉卓族兄鳳翔

志燦鶴齡遊車軸山壽峯寺登無梁閣作

戊申

孤圓一峯起遠望卧轂同車軸山以形似卧轂得名陰陽矩造化不用

輪人攻衆山各起伏東西如爭雄此則絕依接獨秀平野

中山巔窳堵波孤尖刺蒼穹巧哉無梁閣磚甃驚神工形

家誇卓筆所見寧夢夢縣志車軸山對縣城爲前案卓筆峯術者謂文明之徵我來

已一載三過徒匆匆今始約賓客絲鞭聯花驄紺碧列高

下巖洞分西東獨恃足力健曲折躋崇隆神佛接肩踵瓊

瑤光熊熊

閣凡三層石磴曲折偃樓而上諸天神菩薩像皆布列左右

危闌倚偏仄洞

戶開玲瓏莽蒼錯村落溲水彎如弓側身望遼海一色青

濛濛幾年塵障眼頃刻如發矇縱眺久乃下心曠氣益充

笑彼宏農子裹足同疲癯

荇田獨不敢登閣

山僧進香茗水甘花

瓷紅諸君各連舉亦知誰之功我嘗考邑乘建閣金張翁

苦無水可汲遂令山久空本朝雍正間卓錫來禪公鑿井

數十丈鬢沸靈泉洄自茲日踵美顛麓皆琳宮周遭千百

樹槐柳椿榆桐姚魏好花種年年開春風

寺中多牡丹

山林尙

有待安論窮與通走筆賦長句印雪同飛鴻上馬且歸去

遲日方融融

潘松心應椿前令豐潤時曾作荷鉏圖後牧薊州因

公事被議落職今年秋來督耕豐潤營田有官舍十  
餘間在城南百里之南庄松心勸稼餘間陶然詩酒  
因出此圖屬題爲作長歌

貧官無閒庸始知穀人樂密勿疇壟問何如一官縛君作  
荷鋤圖君本非寄託不意十年後竟來督耕作人欲天必  
從一笑踐夙諾君昔任三年爲政仁不虐作雨雲無心驅  
寒春有腳童叟快重來跣跣似雀躍南庄有官舍雖破尙  
堪著碧沼生芙蓉年年自開落君來繼金君奉職益虔恪  
種黍耒厘厘催起鳥格格勤鋤馬耳苗奄觀如雲穫行田  
日夕還貧豈廢杯勺喜和淵明詩愛看薛稷鶴人言農官  
卑我謂頗不惡此日莫厭長此福莫云薄只恐廊廟材終

弗束高閣安良去秀民善政卽鉏耰彼時吾可歸從君乞  
負郭

偶閑六首用陶公歸園田居韻呈潘松心

薄宦苦支絀安得錢買山攬鏡照華髮一笑爾許年黃鵠  
志霄漢潛鱗樂深淵丈夫各有志誰能甘力田宵來好清  
夢步履湖山間遽然覺何有晨鼓搥衙前小雀啄窻紙竹  
爐生茶烟披衣急起沐初日照屋顛判決了公事簾堦欣  
偶閑當爲寸陰惜自擾吾豈然

厭事偶無事如馬脫羈鞅共職豈無憂守拙驅妄想庭前  
有佳花春來春已往伊啞讀書聲漸看兒子長長亦何足  
欣唯勤業乃廣不見長梧人爲禾報鹵恭





鞋白紵衫

弔田疇和陶公韻

君仇未能報避難歸無終不拜曹公爵肯佐袁紹戎使其  
遇真主要亦命世雄徐無山杳靄我來懷高風雖賣盧龍  
塞終爲志士窮賢者不可測三復陳編中

赴遵化州輿中卽事六絕句

泥嫌風雨熱嫌晴伊軋行來數堠程病足一春腰帶細壓  
肩應較往時輕

犖确坡頭路不平輪聲喧掩馬蹄聲剛逢一樹桃花好陡  
起黃塵障眼明

途遙人渴汗如漿短綆羸鉞歎汲長一瓊寒泉沁心腑茶

經何苦費甚量

蹇驢穩稱小身軀笑倩兒童險處扶白日黃塵都不怕只  
愁清露濕衣裾

連朝風勢太猖狂春麥纔青已半黃晴到十分無雨意又  
翻麥壟種黃粱

點點楊花落眼前午風初暖日中天兒童莫遠褰帷看我  
正科頭袒褐眠

弔三女

豐潤縣志三女河在城南十里相傳元末姊妹三人  
避亂有兵追至恐爲所汙遂相携投河死一說女父  
屠也沉湎麩藥唯鼓刀時差醒所與飲者皆負販乞



丐奚僮牧豎之流酒酣耳熱輒以女許之不啻十餘輩已而強有力者知其無專屬也乃謀略女野合女聞之痛早喪母家酷貧無親串可投愬且懼其父之受侮辱也遂互相抱持哭於關帝廟携手赴水死等鄉人得其屍三女手相携堅不可解因葬諸河澚近已無復存矣至今邨中關帝廟神座後北向塑三女携手投河像慘戚之狀栩栩如生云余來往其處旣憫三女之姓氏湮沒而年世久遠無可徵信勢不能以其事上聞俾垂不朽悲夫爰爲歌以弔之

嗚呼噫嘻三女居何里生何姓稽諸故老均莫得而知徒指古廟北墻上塑爾姊妹貞秀姿愁眉淚眼六手相携河

之湄吾觀縣乘所載本異詞或云避兵義不辱而死或云  
父乃鼓刀屠狗兒酒於酒但與同飲不問蕘童牧豎皆以  
女許之中有桀黠者不知婚果誰遂謀劫掠唯恐遲傳之  
女耳涕交乎頤身不可汗兮父不可怨存不可弃兮死不  
可離指波心兮牽臂奮一躍兮連屍此二說者均無可訾  
元明表揚竟不及當時守令何所司壞壁兮塵蒙河水兮  
淪漪崖屢崩兮塚沒魂無歸兮長飢嗚呼噫嘻吾不能爲  
爾請兮徒悲歌兮何爲

三月二十六日曉經車軸山入壽峯寺小憩時丁香

莫李諸花盛開獨牡丹初抽芽耳口號一首

禪闕初啟散林鴉小憩花邊一瓊茶頭上薄雲將作雨眼

前穠艷正如霞蒲團課罷香烟細藤蔓陰垂石洞訝莫道  
一年春事了牡丹枝上甫抽芽

楊忠愍公石印歌爲方柘湖孝廉作

嗟此一片石上鏤椒山名公名本不朽石乃因公榮士夫  
尙私印雕鏤一何精立身苟不正適汗牙與瓊公養浩然  
氣道重一死輕蛇膽曾笑卻龍鱗偏屢嬰所以盡臣節豈  
假沽直聲寒風吹枷鎖寃獄誰爲爭此印從公久公歿遺  
榛荆流落數百載完好如初成方子客京邸百錢購以行  
黑質頗光黝白文何分明摩挲手澤在稜角寒芒生獨角  
獬豸紐張吻如欲鳴薰沐拜觀畢肅然肝腑清公家本不  
遠後人讀且耕疏草至今在得此二寶弁中或有天意曷

以歸容城

立夏次韻陳蘭皋二首

又送東皇卷旆行成功者去底須驚春餘夏始誰能別依  
舊庭花滿眼榮

披霞山色正當衙點筆吟成日未斜櫻筍料君無覓處試  
來消遣一甌茶

次子顯生

祚簿恒憂五世單桃根新喜夢徵蘭啼聲未敢誇英物老  
境爭言勝轉官始信丈夫憐少子何須凡骨換金丹平生  
無物堪貽汝只此心田熟大難

元旦書懷

巳酉

爆竹聲中又一年靴文盈面雪盈顛團團且盡圍爐酒生  
計休言負郭田直欲洗心叅白足不妨放眼看青天案頭  
檢點頻年事剩有狂吟六百篇

豐潤雜詩四首追次方朴山先生韻

繞郭終年走傳車茆檐土壁長官衙瀉瓶色味空誇酒酒

味殊不佳瀕海生涯只漉沙香稻入厨炊玉粒縣多稻田春盤趁集

買芹芽相逢大有昂藏客爲問何人氣自華

掩簿無言自慨慷案頭唯有退鋒郎難除畫扇分常俸豐潤

弱不知作備何人空下官符逐客娼縣多娼雖驅老驥倦

時甘伏櫪故人閑甚自鉏荒謂潘松心我來三度春風裏兩樹

丁香漸過墻衙內西軒有紫丁香二本余因顏其軒曰雙紫

披霞山下火熒熒

山下夜行輒見火光如燐近之即滅土人相傳山上多老狐此蓋其吐丹時也

百尺浮圖欲觸星

城西大天宮寺浮圖極峻削

貧骨枉看朱字壁

金縣北

山山腹石壁宛如門扇而不可開上有朱字數行惟雜有黃金人不識七字可辨其書雖極力磨洗不去人以爲金礦所

熱中休上冷心亭

冷心亭在城西南隅故蘇州太守曹鼎望別業

潭深我欲

呼龍起

城北有龍潭言禿龍所湫旱時有禱輒應

鐘古誰聞叩夢醒

城內宏法寺有大鐘

模範絕異明初自還鄉河流下居民取置寺中聲清遠達數十里今鐘樓久壞寺無主僧久不復叩矣

却笑

還鄉河畔石不曾著眼辨丹青

還鄉河中有五色細石

見

投牒紛紛一聚塵豈關無事擾庸人鞍韉夏濕行田雨

內縣

旂民雜處爭田者殆無虛日

燈火宵投古寺春憤愛作齋便歉腹嬾裁

詩句荅吟隣

潘松心屢以詩示久不奉荅

朝來攬鏡看華髮一笑尊前

六尺身

戲贈余竹泉廷霖買妾三首

不惜傾囊買侍兒問年正是破瓜時從今不乞閑花種著

意牕前只畫眉

竹泉有斷袖之癖

客中何事最魂銷鏡裏偷窺插翠翹何不更煩搵素腕爲

君磨墨展生綃

竹泉工書法

溫柔鄉裏勝糟邱白刺紛紛任滿頭眼底溲陽春色好幾

時却憶鑑湖秋

竹泉德配尚在越中

題九老圖

達人完節號醉吟疏池種樹不惜金空門旣結香火社高  
年又廢伐木音胡劉吉鄭盧與狄逍遙九老同一心長藤  
密樹香山岑灘流八節淺復深肩輿酒榼任所適萬事不

擾冲澹襟高情勝地卓千古供人圖畫直到今悠悠昔日  
齊名者爲問何人共入林

將去豐潤留別潘松心一百韻

道義交偏淡文章命信窮升沉如傀儡聚散等萍蓬百里

南庄近連旬夏潦澤懷君屬秋夜話別託詩筒憶昔同需

次辛丑余試吏畿輔松心亦服闋需次遂與訂交相逢若發矇粗梨從反味水乳

已交融奉檄同編纂三通館檄各省摹搨古今碑刻并條節婦孝子鄉賢名宦事實申館時願

公學潮守保定檄余與松心編纂設局省城之蓮花池投閑異榻櫳樓高連研席庭

敞閉簾櫳鶴舞池邊樹花飛檻外紅瓦爐看煮茗衙鼓聽

籠銅合寡稀賓客歸遲倦僕僮方期來旦旦豈意去匆匆

松心等奉檄知安州事竹馬兒曹牙銅符地望崇一州如斗大四境



屢年豐幹局初無譽清勤總渙躬松心所至有惠政初不以幹局稱偶叨

分俸食松心遺余頻得報書工敢以猪肝累曾揚畫扇風

窮愁淹歲月得失歎鷄蟲偶試烹鮮技終無撫字功癸卯春夏

余權平鄉南樂兩縣事十月奏補南官縣一貧仍昔日三載負南官漫說魚鱗

杳俄瞻馬首東甲辰春松心改牧薊州名區資保障

天語下穹窿山色當衙好詩囊得句雄清操窮次骨劇職撥

如麴便擬騰霜翮寧知蹶玉驄乙巳冬松心轉河間府司馬未之任以公事落職

使君空嶽嶽小子實夢夢但解憐任昉誰聞借寇公全家

歸未得再食簋難儼莫逆唯王吉松心與龍觀察交忘憂學

塞翁披吟仍不輟跼伏總無膏動輒翻投轄乘風又纜戩

便如魚在罟姑作鳥窺籠我固慙將伯君能恕不忠相思

徒悒悒未見轉忡忡已分長星散何圖又蟻同濫竽移大

邑策馬過無終丙午冬杪余自南官量移豐潤潘岳花如舊文翁教尙隆

松心前令豐潤閭閻謳咏在陰雨黍苗芄前事懸金鏡佳

音報雪駿奏名來督稼丁未豐潤營田員缺制府劉矯翼

遂辭墨徹懋歡行部啣杯絮別裏十間官屋破百頃水田

澍補葺防風雨芟夷及蓼蕪東臯觀綠稻南陌羨長種小

沼荷新種踈籬菊漸叢松心於舍後浚小池種荷榜所居

名品胸懷無物擾軒壁只書充松心擁書數萬稻蠲勝魚

鱉南庄多蠅邨醪過路酬烟苗誇早韭風味飽秋菘婦自甘蔗

髻兒寧待折菱問竒聞剝啄執贄啟童蒙松心在南庄以詩文執贄者甚

衆把璣賡彭澤持籌鄙阿戎不圖簪組後轉溷圃農中數

辱高軒過都忘俗事總善交無爾汝雄辨振瘖聾文字三  
更飲精神一鶴冲起看星爛爛坐聽鼓鼙墨寶邀冰鑑  
詞源瀉石硤談幽爭說鬼語力欲批熊汗漫思湖海尋搜  
慕華崧試爲他日約誰笑此心童密契難終合奸人悔坐  
惜余頃以失察南樂縣那教鐫級去任獲愆尸位久貶秩

帝恩洪小草重噓植凡銅更鑠鸞休誇鸚聒噪會見鶴毳氎

貧橐還如洗辱軀漸欲癢余右足患風痺不歸家徒四壁

炊米只雙弓自判成枯鮒何勞問鞠蒨幽情寄泉石榮願

付琴通折簡曾煩召無醫似奉恫不堪車碌碌更阻雨濛

濛四月門羅雀三年釣失鯛訟笥雖未絕輿論幸無訐妻

媿齊眉敬兒非刻骨聰頗能操井臼竟不厭葵藿試墨臨

藏帖呼奴雜故叢夜眠聽蟋蟀晚霽睇隋虹古畫除蠅宛  
 殘編綴蠹攻藉茲消寂寞一任笑空侗斗酒須君別緘書  
 寄鳥獅拂牀驅蚤虱掃室走蠨螋敢效蓬頭飲聊供老面  
 烘交窺愁裏鬢更把別時幃展紙畱長句拏舟掛短篷前  
 途巢幙燕往事印泥鴻憐子年逾艾何時鬣脫縷徒知伯  
 樂馬誰識蔡邕桐大勢如焦釜生涯似剝椶暫投林樾憇  
 終遇蘊隆燼那得逢金穴因之駕肉髮松心頻年公私交  
困未如何日始得  
脫然故以風蹄無頓轡崎路恣夷變爽氣消陰翳安流息  
此期之灑泐儼然森畫戟便爾坐金狨此際當知止初心定不懷  
 請捐銅鼎食來剪雨園葱溪聽流泉急樓觀曉日曛揚舲  
 浮澗灑策杖歷龍從世事從兒輩天懷躍草蟲底須憂白

髮只此勝方瞳  
嚙語真堪笑  
塵緣本是空  
當知歌鄭重  
敢說韻玲瓏

學稼圖爲方秋穀題

方子本無負郭田  
豈能躬習耒耜便  
一身作客不暖席  
與誰阡陌日比肩  
徒以筆畊久慷慨  
思逢年愔然變計  
師野老塗泥手足  
驅烏犍不知犁耜  
重幾許何似栗尾  
濡松烟君誠樂此  
亦易易聽余略說  
田家祕從來助長  
笑摠苗鹵莽爲禾  
亦所忌三年合有  
一年餘上農唯供  
九人食有時畊也  
餒在中勿恃天功  
廢人事試持我語  
問老農苟無異議  
君當從江南此日  
足梅雨速去同敲  
插秧鼓

書劉笏樓詩卷後卽送之官薊州

劉侯耽吟老不休白髭撚斷枯腸搜狂吟豈必廢公事撥  
麴游刃仕固優篇中小疵或不免江河自挾沙石流風塵  
訂交垂十載郵筒底事稀唱酬君如齊楚我知莒相遇不  
覺戈自投聲名官職誇入手朱轡五馬典大州田盤山色  
看不厭錦囊佳句寧勝收使君風雅兩輝映前有潘侯後  
有劉三年笑我數來往匆匆走馬無由畱煩君爲作東道  
主籃輿酒榼吾將遊

爲李孝廉亞白題其尊父漫亭先生遺照

鬚眉爭說肖平生只有靈臺畫不成遊屐徧來鴻印爪吟  
壇散後鉢銷聲一經早羨貽謀遠寸草空懷愛日誠愁煞  
柳塘花塢好不知春可到蓉城

雜詩十八首 庚戌

萬物各擾擾要皆爲身營青山獨岑寂一無與世爭精氣  
毓寶物利用資羣生人方斲其骨槌鑿無停聲人手會須  
朽問山何時平

寒風舞急雪萬木垂蓑蓑松柏無顏色樛櫟方婆娑搖光  
眩銀海安辨葉與柯松柏固自若後彫寧足多晴曦忽杲  
杲雪盡當如何

小鳥窺籠中如瞋閉不出豈知籓籓鷺方羨爾安逸脫手  
彈丸來側翎鷹眼疾飛鳴雖自如飲啄懷戰慄所以田舍  
翁終身安陋室

金針刺綉文麟鳳何錯綜迴看機上布滕薛比魯宋一朝

同破裂蟣虱處其縫布破尙堪補繡裂不可用寄語貧家  
女莫羨眼前重

伊啞輓輅兒輦重不量力推陷泥淖中進退兩不克輿馬  
漸駢田呼邪何太逼引手乞途人唾面甘屈抑請看他人  
車往來疾如織

班馬多悲聲同櫪不讓食晴鳩有和鳴陰雨逐婦急好惡  
本無常翻覆只頃刻乃知利所在顧影亦瞑逼吾慕江湖  
魚相忘各自得

垢面跣雙足好女失其姿理髮善塗澤醜婦掩其媼好醜  
亦易辨世寧無爾知毀譽旣日進浸久遂信之好者旣自  
忘醜者居不疑慎毋恃美質不潔終何爲



冬扇夏日爐二者何太左豈唯笑傍觀自問亦憊憊變計  
政不必終見有時可昔人垂名言我寧仍作我

躡履走堅冰一去弦脫矢勢若不可留屹然已山止豈有  
他謬巧脚跟令鐵似兒曹戲爲之一蹶笑不起立脚旣未  
定安用妄希彼

桃李花滿園紅白如組織主人縱游睇紛紛鬪顏色應接  
方未暇安能強揚抑愛博情匪專兼有欲難極胡不撫孤  
松蒼然日相卽

一羽較拳石輕重固已殊衝風吹羽起石不與羽俱猝然  
山水至轉側隨所趨非無硜硜性力弱誰爲扶風止羽墮  
地水涸石在途彼此莫相笑均之離故居

駝力負千觔屹然似山立一繩牽以行魚貫輒數十引頸  
無低昂齊足同緩急馴狎本天性非由人所習假令忽跳  
梁鼻血已涴涴君莫笑駝愚其愚不可及

塵沙輕薄質揚息無停機况假颶風力遂作漫天飛萬物  
失真色六合翳晴暉空持障面扇徒振高罽衣零雨驟難  
得朝露又易晞不若暫相避垂幙局重扉

田裏有微逕捷足群爭先猝然阻泥水躑躅溝塍邊豈如  
遵道者向定志自專坦蕩任布武紆曲隨自然遲速同一  
至安別愚與賢便令中道止知退胡譏焉

春草吹春風芊緜各青翠雖不比花木桐生本無二奈何  
尋芳人蹂躪恣遊騎豈以太蔓生不復畧措意麟趾真仁

哉踐履必擇地

邨犬吠衣冠狂喙思逞快狺狺三五來奔竄甚矣憊急爲  
易糲束笠破衫袴敗面目雖不殊帖耳無睚眦歸來家犬  
驚不復辨警歎兩犬豈異性見少乃多恠

猛虎食人肉鬼復爲之俛相將其出入方爲去機張俛也  
爾胡愚虎也爾胡強能令德報怨豈第不責償氣燄一至  
此食人宜如羊

山居飫雉克澤居旨蝦魚終身兩不厭相對各自譽不見  
富家厨珍錯皆所儲苟可佐烹飪細瑣及韭蔬雖有嗜好  
物未聞捐其餘卻怪麋與鹿食薦笑啣蛆

題滑贊府承芳望雲圖

十年久索長安米二畝應荒故土芹人海茫茫無限事多  
君著眼到孤雲

秋霜春露總愴神豈必看雲始憶親只許鄙人知此意望  
渠爲雨濟蒼民

二月三日同吳編修穀人趙大理承杰楊孝廉文駒  
崔少尹鎮周秀才琴德出西便門遊釣臺觀花席地

小酌

繚垣高出釣魚臺河凍初融活活來選地不如隨地好尋  
花卻喜遇花開風中酒力吹還醒波面鷗群狎不猜自別  
西湖無是樂軟紅塵裏此蓬萊

爲方柘湖題蛺蝶便面

春到人間便不同池塘草綠野花紅成團逐隊誰如爾只在暄風暖日中

五月十二日文安縣道中卽目

次第柴門傍小河兒童齊學櫂船歌魚蝦價賤炊新麥鵝鴨聲喧弄碧波芳援尙餘花朵細好風偏向柳陰多江鄉景象渾相似莫便驅車緩緩過